

la lanon de matraco. ~**lanoj**. Lanoj, kies fibroj estas pli mallongaj ol 15 cm, k destinataj al fabrikado de fulitaj ŝtofoj. Kp **KOMBI**.

**kareo** (Ku). 1 Hinda spicaĵo, konsistanta el pulvorigita pimento k kurkumo. 2 Hinda manĝaĵo, konsistanta el kokido k rizo spicitaĵ per ~o l.

**karesmo** (Rk). Periodo inter la Cindromerkredo k Pasko, dum kiu pluraj kristanaj eklezioj ordonas faston aŭ abstinon. Kp **RAMADANO**.

**kario** ☿. Putra difektiĝo de ostoj (precipe dento). ~**igl**. Kaŭzi ~on: la pomvino ofte ~igas la dentojn. ~**igl**. Suferi ~on.

**karmo** (R). En Budaismo k Hinduismo, leĝo pri la senfina interĉeno de la kaŭzoj k efikoj, rigardata kiel klarigo de la homa kondiĉo: ĝia perfekta sciado estas necesa, por neniigi la iluzion de la memo.

**karmelano** (Rk). Romkatolika monaĥo el la ordeno de la Monto Karmel. ~**ino**. Monaĥino el tiu sama ordeno, reformita, kun aparte severaj reguloj, de Tereza de Avila.

**karotido** ♥. Ĉiu el la du dikaj arterioj, kiuj kondukas la sangon en la kolon k en la kapon.

**kartezia**. 1 ☿ Rilata al la filozofio de Kartezio (Descartes). 2 △ Difinita laŭ ortangula aksaro: ~aj koordinatoj.

**kartuziano** (Rk). Romkatolika monaĥo el ordeno fondita de Bruno en 1086, k loĝanta en aro da ermitejoj nomata Kartuzio, laŭ la nomo de la franca vilaĝo, kie ili komence loĝis. ~a **likvoro**. Fama likvoro, fabrikata de la ~oj de la Granda Kartuzio, en la francaj Alpoj.

**kasono**. 1 ☼ Granda, akvimuna kestego el ferlatoj, kiun oni subakvigas ĝis la grundo, sur kiu oni volas masoni fundamenton. 2 ☿ Fakto de platono, inter la reliefo aperantaj traboj, ordinare ornamita per skulptaĵoj aŭ pentraĵoj.

**katapulto**. 1 Malnova militmaŝino, funkcianta per streĉado k subita malstreĉo de ŝnuroj, k utiligata por antaŭpafi ŝtonojn, ĵetarmilojn ktp. 2 Knaba ludilo, konsistanta el ligna aŭ fera forketo kun

kaŭĉuka rubando, por pafi ŝtonetojn ktp. 3 Mekanika aparato, por antaŭenĵeti aviadilon for de la ferdeko de ŝipo, aŭ velglisilon for de la grundo. ~1 (tr). Antaŭenpeli per ~o.

**katastro** 2. Mezura planaro de la bienoj, starigita por difini la terimposton.

**kaŭtero** ☿. Kaŭterizilo: ~punktoj (punktoformaj ekbruloj de la haŭto por kuraca celo).

**kerkedulo** ☿. Palmopieda birdo, el la fam. de anasedoj, vivanta en marĉoj (*Anas querquedula*).

**keroseno** ☿. Petrola frakcio, akirita per distilado de la kruda petrolo inter 151° k 273° C.; utiligata por lumigado (petrol-lampoj), sed nun precipe kiel la ĉefa brulaĵo de la reakciaj motoroj.

**kilo** □. Pref. uzata antaŭ unuoj k signifanta: milo. Simbolo: K.

**kilsono**. Laŭlonga membro, formanta la suban parton de la ĉefa framo de ŝipa aŭ aviadila hulo, k iranta de la antaŭo al la post, paralele al la kilo, sed supre de ĝi k interne de la karenio.

**kimono**. 1 Longa malstrikta japana robo, kun larĝaj mallongaj manikoj. 2 Eŭropa negligo laŭ tiu modelo, sen kudraĵo ĉe la braktruo: *mantelo kun ~aj manikoj*. Kp **RAGLANO**.

**kineta** □. Rilata la movon. ~a **energio** □. Duona produkto de la maso per la kvadrato de la rapido de moviĝanta korpo.

**kirko**. 1 Kristana preĝejo. Kp **MOSKEO**, **SINAGOGO**, **TEMPLO**, **KAPELO**. 2 ☿ Karnomanganta birdo, el fam. falkedoj (*Circus*), ankaŭ nomata: cirkuo.

**Kirli ALD** ~ilo. Aparato por rapide ~i ovojn, ŝaŭmigi lakton ktp: *elektra ~ilo*. Kp **BATMIKSI**.

**kirlo** □. La ~o de vektorkampo **A** estas vektoro **B**, kies fluksio tra fermitan kurbon egalas la lini-integralon de la vektoro **A** ĉirkaŭe laŭ la fermita kurbo.

**kisto** ☿. Tumoro konsistanta el membrana veziko k entenanta likvaĵon aŭ grasaĵon: *sebuma, sinovia ~o*. ~**igo**. Formiĝo de ~o.